



25.09.22

Høyringsuttale – Justering av vedtekter for skulefritidsordninga i Alver kommune

Uttalen byggjer på prosessar frå samarbeidsutvalet (SU) ved Sæbø skule.

Samarbeidsutvalet har gjennomgått bakgrunn for saka, og tatt stilling til:

1. Ny tekst i vedtektene samsvarande med nye og innførte lovkrav.
2. Tidsramme for dei 12 timar betalingsfri skulefritidsordning for elevar på 1.trinn.
3. Endring av opphaldstidene som konsekvens av innføring av gratis opphaldstid.

1. Ny tekst i vedtektene samsvarande med nye og innførte lovkrav.

Tatt til orientering.

2. Tidsramme for dei 12 timar betalingsfri skulefritidsordning for elevar på 1.trinn.

Samarbeidsutvalet ved Sæbø skule sluttar seg til alternativ 1:

	Man	Tirs	Ons	Tors	Fre
Etter skuletid	2,5 t	2,5 t	2,5 t	2,5 t	2,0 t

Bakgrunn for dette er at ved Sæbø skule er det få elevar som nyttar SFO-tilbod om morgonen. Skulen startar kl 08:00, og dei fleste elevane kjem til skulestart. Fordi skulen startar tidleg, er den også tidleg slutt tre dagar i veka. Dette fører til at fleire har bruk for SFO på ettermiddagen – spesielt dei dagane skulen er ferdig kl 12:30.

I dag er tilbodet organisert på denne måten, og vi ser at med denne organiseringa er det flest mogleg som får nytte av tilbodet om 12 timar gratis.

3. Endring av opphaldstidene som konsekvens av innføring av gratis opphaldstid.

For opphaldstidene på SFO ser samarbeidsutvalet ved Sæbø skule alternativ 3 som det beste alternativet.

For 1.-4.trinn: Heil plass 13 t/v eller meir, halv plass 0-12 t/v.



Vi opplever at det er få familiar som nyttar tilbodet om 0-6 t/v. Dei familiare som nyttar denne plasstypen gjer det som oftast i ein periode, og endrar etter kvart til større plass eller ingen plass på SFO.

Vi opplever også at fleire føresette vert forvirra av at det er mange alternativ, og at det truleg vil opplevast ryddigare om ein berre har to plasstypar.

For familiar med 11 mnd SFO-plass meiner vi at ein få eit betre utbyte av ferievekene ved denne løysinga, og at ein vil famne om fleire born og så i feriane.

Ein positiv konsekvens av denne løysinga er at den vil krevje mindre administrasjon kvar månad ved fakturering, og ved handsaming av søknader kvart år.

Samarbeidsutvalet ved Sæbø skule stiller likevel spørsmål til kva konsekvens denne endringa evt vil ha for prisnivået på SFO-plass.

Innspel formidlast på vegne av samarbeidsutvalet ved Sæbø skule:

Malene M. Klanderud	Leiar elevråd
Aisha K. Fulukia	Nestleiar elevråd
Torunn Fredriksen	Foreldrerepresentant (Leiar FAU)
Cathrine T. Ellingsen	Foreldrerepresentant (Nestleiar FAU)
Thomas Wiik	Foreldrerepresentant (SFO)
Svein Fjermestad	Tilsett representant, pedagogar
Ina Jeanette V. Sævdal	Tilsett representant, andre tilsette
Eirin Dyngen	Rektor

Politikar representant Jostein Borlaug var ikkje til stades når saka vart handsama.

Mvh
Eirin Dyngen
Rektor Sæbø skule